

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De tertio

[urn:nbn:de:bsz:31-126133](#)

III. Ex tria Christi appellatione. Thomâ enim de viâ conquerente, quod nesciat eam cum Collegis suis, ipse dicit: Ego sum via, veritas & vita.

1. Viam se appellat. Per Adamum via ad Paradisum nobis interclusa, Genes. 3. v. 24. Verum per Christum, qui est alter Adam, illa nobis rursus patefacta est, ideò nos & que ac pœnitentem latronem consolari potest, quod cum se in Paradiſo futuris, Luc. 23. v. 43. quin & in cœlum nos per fidem deducturus est.

Nemo, inquit, venit ad Patrem nisi per me. Ex quo consequitur, quod qui per eum, tanquam regiam viam ingrediaur, cœlum apertum habeat, & in scala Jacobæ in cœlum adscendere possit, Gen. 25. v. 13. Joh. 1. v. ult.

2. Veritatem. Per lapsum Adæ veritatem amisimus, h.e. verâ justitiâ, verâ agnitione & imagine Dei, technis Diaboli, qui pater mendacii est, Joh. 8. v. 44. exutisimus. Per Christum verò veritash.e. vera justitia, vera Dei agnitione, & imago Dei cum gratiâ Dei reparata est, Joh. 1. v. 14. quin & verbum ejus veritas est, Joh. 17. v. 17. qui hâc confidit, non confusus abibit. Omnes enim Dei promissiones in Christo sunt Etiam & Amen, 2. Cor. 1. v. 20.

3. Vitam. Adam, primus noster parens, temporalis & æternæ mortis reos nos fecit, juxta interminationem Dei, Genes. 2. v. 17. Christus veò Dux viræ est, Actor. 3. v. 15. immo vita ipsa, qui destruxit mortem, illuminavit autem vitam & incorruptionem per Evangelium, 2. Tim. 1. v. 10. in ipso, ab ipso, & per ipsum non modò vitam naturalem, Actor. 17. v. 25. sed & spiri-

tualem habemus, siquidem in peccatis mortui, in Christo convivificati sumus, Eph. 2. v. 5. & postquam hanc vitam concluserimus. dabit nobis vitam æternam, Joh. 10. v. 27.

Hoc triplici Christi nomine, pienissimus Dania Rex Christianus b.m. se confirmavit. Quæslitus enim ante obitum à Confessionario suo, quale solatium haberet respondit? Errare nescio, quia Christus via est. Verbo ipsius falli nequeo, quia est veritas. Non moriar, quia est vita. Nihil igitur mihi timendum erit.

Nos ad exemplum ejus similiter in agone dicamus: Domine JESU, tu dixisti, sum via, veritas, & vita, nemo venit ad Patrem nisi per me: his verbis fidem habentes firmiter innitimus, tibi vivimus, tibi moriemur: quia tu via es, non aberrabimus, quia veritas, non fallemur, & quia vita, nunquam moriemur.

De Tertio.

R Estat Cautela, quæ tribus absolvitur Regulis, ut sunt

1. Viam salutis scrutare. S. Thomas nobis exemplo præt inquiens: Domine, nescimus, quò vadis, & quomodo possumus viam scire? Quibus verbis desiderium suum, à Christo viam salutis discendi, contestatur. Idem nostri quoque officii est. Quia enim ut supra audivimus, multiflexuosi secessus sunt, ideò perquam opus erit, ut instar viatoris viam nescientis quæramus, quæ sit via bona, Jer. 6. v. 16. via scilicet ad Patrem. Hic Christus se sponte offert, ostendit nobis viam, inquiens: Ego sum via. Necesse igitur erit, ut hanc

hanc viam probè obseruemus, &c in eâ ambulemus, Jer. 6. v. 16.

Quid enim prodest via recta & regia, nisi in illa ambulaveris? Quia igitur spiritualis illa est, spiritualiter quoque calcari oportet. *Istud iter non pedibus, sed passibus mentis ambulate,* inquit Cassiodorus. Quod & Christus testatur, inquiens: *Omnis qui credit in eum, non peribit, sed habebit vitam æternam,* Joh. 3. v. 16. *qui videt Filium & credit in eum, habet vitam æternam,* Johan. 6. v. 40. Id Paulus vocat, *dignis eius operatis, per fidem ambulare,* 2. Cor. 5. v. 7. quâ ratione omnes fideles ab Abele hactenus ambularunt, & ita ad Patrem pervenerunt.

Non verò sufficit in hâc via incipere, & deinde respicere, ut uxor Lothi, Gen. 19. v. 26. Luc. 17. v. 32. vel planè in ambages & devia aberrare: sed in via regiâ manendum & pergendum est, ut obliuiscaris quæ retrò sunt, ad ea verò, quæ sunt priora extendas te, ad scopum persequens, ad bravium supernæ vocationis Dei, in Christo Jesu, Phil. 3. vers. 13. 14. alius fieri non potest, ut ad cœlestem patriam perveniamus.

Quodsi verò quandoque fieret, ut pe- des nostri titubent, & à vera calle dette- stant, siquidem & justus in die septies cadit, Prov. 24. v. 16. Verâ nos pœnitentia & fide in Christum vicissim erigamus, & in rectam semitam revertamur, & re- frigerium animabus nostris inveniemus, Jerem. 6. v. 16. Et licet variis molestiis, ut viatores experiuntur, in itinere hoc expo- siti simus, moderatè id feramus, scien- tes, quod per multas tribulationes in

Regnum Dei intrandum sit, Acto. 14. v. 22.

Sicut autem aurigas & viatores in mo- lesto itinere speratum diversorum conso- latur: Ita & nos dulci cœlestis diversorii requie omnes molestias & ærumnas pere- grinationis hujus superate possumus. In domo Patris mansiones jucundissimas inveniemus, huc revertemur cum jubila- tione, lætitia sempiterna super caput no- strum: gaudium & lætitiam obtinebi- mus, & fugiet dolor & gemitus, Esa. 35. v. 10.

II. *Inscitiam tuam fatere.* S. Thomas ingenuè fatetur, neque se, neque Collegas viam salutis scire, idque propterea facit, quæcomelius de eâ edoceri possit.

Ita & nos infirmitates & ruditatem no- stram ne abscondamus, sed rotundè & liberè profiteamur. Multi equidem ma- lunt in luto ignorantiae hætere, quam in- scitiam profiteri, & pleniorem informa- tionem petere, cum tamen

Non pudore est, nil scire: sed est nil di- scere velle.

Quandocunque igitur unus vel alter, de hâc vel illo fidei articulo non sufficienter instructus est, non erubescat cum Thoma ignorantiam suam manifestare, & à pasto- re ordinario, vel alio erudito explicatio- nem petere, sic sapiens erit, Sir. 6. v. 35. Nemo putet, autoritati hoc sua derogare. Eunuchus Reginæ Candace ex Æthio- pia, Vir erat non infima conditionis & autoritatis, & tamen à Philippo explicatio- nem Esaiae perebat, Act. 8. v. 34. & ita ad cognitionem Christi perveniebat, re- spectu cuius omnis humana gloria &

auto-

autoritas, pro stercore arbitranda, Phil. 3. v. 8.

III. *Veritatem amplectere*, Christus ait: Ego sum veritas. Hæreſeon sanè & erro- rum tanta seges est, ut vix numerari queat. Et tamen quilibet hæreticus errorem suum incrustedum & confirmatum it. Quòd igitur à nemine fortè fallaris, à Jesu tuo disce, ille veritas est: idè omnia, quæ dicit, vera sunt, verbum ejus veritas est, Joh. 17. v. 18. quod verò huic aduersatur, mendacia & præstigia sunt, licet multis & plausibilibus argumentis pallietur. Veritati proindè insiste, nec à Spiritu mendacii falleris.

Quia & filii hujus seculi in antiqua con- suetudine præsidium querunt, & ex illâ jusevincere satagunt, noli illud attendere.

Tempore Gregorii Episcopus erat, qui & ipse priſcæ consuetudini multùm tri- buebat, cui verò Gregorius respondebat. Christus dixit: *Ego sum veritas, non dixit: Ego sum consuetudo.* Hoc responſo & tu ejusmodi homines redarguere poteris. Dic cum Hanna: Nolite multiplicare lo- qui sublimia, sublimia gloriantes: recedant vetera de ore vestro: quia Deus scientia- rum Dominus est, & noh dirigentur stu- dia, 1. Sam. 2. v. 3. Breviter: usque ad mortem certa pro justitia, Sit. 4. v. 33. Sic Dominus, qui est via, veritas & vita, via tua erit, in te omnes promissiones suas implebit, tibique hîc viam spiritualem, ibi æternam ex gratia largietur, quod fiat per Christum Jesum.

Amen.

IN FESTO ADSCENSIONIS CHRISTI.

Evangelium Marc. 16. v. 14. -- 20.

EXORDIUM.

ORITUR Sol, & occidit, & ad locum suum revertitur, ut ibi rursus oriatur, ait Regum Sa- pientissimus Salomo, Eccles. 1. v. 5. Per Solem nihil aliud denotat, quam luminae magnum, quod Deus posuit in firmamento cœli, ut præflet diei, Gen. 1. v. 15. 16. Ille igitur quotidiè manè oritur, & cursum suum ad occasum ditigit, hoc modò diem in terrâ efficiens: Vespere verò occidit, reliquum suum curriculumperficiens, dum ad locum, ubi pri-

diè ortus est, revertatur, & denuò exo- riatur.

Hoc ipso verò Salomo vanitatem & interitum omnium filiorum Adami de- pingere voluit, qui & ipsi hîc non habent permanentem civitatem, Ebr. 13. v. 14. sed per labores & dolores ad præfinitum terminum currunt, Psal. 90. v. 11. in morte verò, velut Sol in nocte sepeliuntur, vita enim tum succiditur festinanter & avo- lamus, Psalm. 90. v. 10. Confer Sap. 5. v. 9. 10.

Et